

20 urte Hernani ibai bihurtu zela

■ Biharko egunarekin beteko dira 20 urte Hernani uholdeengatik lurralde katastrofiko izendatu zutela ■ Fagollaga eta Ereñotzu isolatuta geratu ziren eta Portu eta Karabelen ura 80 cm-tara iritsi zen ■ Portun bizi direnek diote 1953ko urrian izan zela Hernaniko uholderik haundiena.

DUELA 20 urte, 1983ko abuztuaren 26an Hernani urez gainezka esnatu zen. Hernaniarrek ez zuten 1953tik horrelako uholderik ezagutu. Uholde haiek sortutako txikizia zela eta Hernani, Euskadiko beste herri asko bezalaxe, lurralde 'katastrofiko' izendatu zuen gobernu zentralak. Donostialdean egin zen lehen balorazioan garai hartako 1000 miloi pezetako galera materialak kalkulatu ziren. Hernaniarrak benetan larritu zituen uholde hark.

150 litro m²-ko

Hernaniko Udal Artxihoan jasotako datuen arabera, euri eraso abuztuaren 25etik 26ra-ko gauean izan zen aurreneko eta 26 goizerako lasaitu egin zen. Abuztuaren 26ko arratsaldeko azkeneko orduetan hasi zen berriro ere euria gogor eta ez zuen gelditu 27ko arratsaldera arte. Jaso ziren datuen arabera 15-18 orduetan media 150 litro bota zituen m²-ko, eta Ereñotzuko Estazioak erre-karen ur-etoria 975 m³/seg-koa zela jaso zuen.



1983garren urteko uholdeetan Karabelek irla baten itxura hartu zuen. (Argazkia: Hernaniko Udal Artxihoak utzia)

Eragindako kalteak

Uholdeak benetan larritu zuen jendea. Ereñotzu egun batzuetarako isolatuta geratu zen, errepidean lur-jausiak izan zirelako. Fagollagarako errepi-

dea moztuta geratu zen erre-kak gainezka egin zuelako. Portu eta Karabelen egoera oso kezagarria zen, ura 80 cm-tara iritsi baitzen. Karabeleko hainbat bizilagunek pentsatu zuen etxeak erori egingo zirela. Portun egoera horretara ohituago zeudenez, bizilagunak elkartu eta nola edo ahala egoerari aurre egiten saiatu ziren. Eziago Poligonora ere ura erruz iritsi zen, eta errekatik hurbil dagoenez poligonoko bajuak urak estali zituen.

Donostialdean garai hartako 1000 milioi pezetako galerak kalkulatu ziren eta horietatik 800 milioi industriarekin lotutakoak izan ziren. Industriarekin batera kaltetutakoak izan ziren, etxebizitzak, nekazaritza, instalazio publikoak, kirol instalazioak, ondasun ekologikoak, eta abar. Zorionez Hernanin uholdeak ez

zuen hildakorik utzi, baina uholde hark 70 heriotza eragin zituen Euskal Herrian.

Ura kutsatuta

Uholde hark industrialdeetan zeuden bidioak ere aurretik eraman zituen eta bidio horiek sustantzia toxikoak zituzten: olioak, petrolioa, zianuroa eta kobaltoa aurkitu zituzten uretan. Bestalde, Goizuetako minetatik beruna eta zink asko eraman zuen urak. Ondorioz ura ezin zen edan eta udara hartan hondartzak itxi zituzten bakterioak aurkitu zutelako uretan.


Lehenago ere bai

Hernanin lehenago ere gertatu dira uholdeak. 1562an, itsasontziak Portu auzoan nabigatzen ikusi zitezkeen garai hartan, urak gainezka egin omen zuen. 1895eko ekainaren hasieran gertatu zen beste uholde

bat eta Portu, Karabel eta Martindegiko auzoko baratzak hartu zituen urak. 1947koa izan zen geratu den uholde xelebreena. Goizuetan "dilubioa" zela pentsatu omen zuten baina, Hernanin ez zuen euri tantorik bota. Hala ere, erreka atera egin zen Hernanin.

1983koa baino lehenago, 1953ko urriaren 14an gertatu zen gogoratzen den uholde haundiena. Manuel Borja Garmendiak "Prantxesak" Hernaniko tranbia zaharrean egiten zuen lana eta uholde hura gogoratuz dio: "Martutenen urak tranbia hartu eta kanteraraino eraman zuen". Bere hitzetan hura izan da Hernanin gertatutako uholderik haundiena.

Hernanin gertatu diren azken uholdeak izan dira: 1992an, 1997an eta 2002an. Aurten ere izan da beste bat, eta haren eraginez Landare eta Zubipe urez bete ziren. □



Antonio Erdozia, Patas, 1953ko uholdeetan ura noraino iritsi zen adierazten duen markarekin, Portu ondoan dagoen Pagolan.

www.kronika.net
HERNANIKO
kronika
Interneten helbide berrian

Allianz 
ASEGURUAK
Agustin Ezponda
AGENTZIA
Telf.: 943 557 326
656 735 109


AMEGAR
Etxe tresnak
Altzariak

Elektrogailuak
TB- Bideoak-
HI-FI-Opariak
Sukalde altzariak
Tel.: 943 55 11 25
Faxa: 943 55 16 30


ETXE OMENAK, S.A.
GARAJE ITXIAK
"OBLATOS" ETAN
SALGAI
Informatu eta saldu:
☎ 943 33.22.37

DORRONSORO

OKINDEGIA
Bertan egindako kalitatezko ogia
J.Dorronsorok Okindegia, S.L.
Lizeaga, 7 943 33 36 18 -20120 HERNANI



Sagardo Txapelketak jende izugarri bildu zuen atzo Ergobira, eta eguraldiak ere lagundu zuen.

Herri kirolak goiz eta arratsalde eta bazkaria gaur Ergobiko jaietan

■ Bihar idi-probak eta urteroko antzerki herrikoa ■ Atzo jende asko bildu zuen Sagardo Txapelketak ■ Larunbateko Txirrindulari Proban Iñaki Jimenez irabazle.

ERGOBIKO jaiak hirugarren eguna dute gaur. Eguerdiko 12:00etan idi-probak izango dira, ondoren bazkari ofiziala, eta arratsaldean bertsolariak, zaldi-probak, harri-jasotzaileak eta aizkolariak. Bihar ere idi-probak izango dira eguerdian eta gaurko idiek egindako plazak kontuan hartuko dira. Bihar eguerdian bazkari herrikoa dute. Arratsaldean, umeentzako ipui magikoak 18:30etan; eta gauean urteroko antzerki herrikoa, aurtan ma-

rrazki bizidun bihurtuta.

Sagardo Txapelketa


Sagardo Txapelketak atzo ere jendetza izugarria bildu zuen Ergobin. Plazara inguratu zenak aukera izan zuen sagardoa probatu, pintxoak jan eta gustu-koenari botua emateko. Txapelketa Lizeaga sagardotegiak irabazi zuen; bigarren Barkaiztegi eta hirugarrena Bereziartua. Sari berezia Manu Iraolak eraman zuen, epaileen erabakiarekin gehiena koinziditu

zuen izan zelako.

Larunbatean Jimenez onena

Larunbatean jokatu zen Ergobiako Txirrindulari Saria. Bernardo Arzallus zenaren omeneko memoriala izan zen eta karrera Iñaki Jimenezek irabazi zuen. Bigarren Aitor Agirre izan zen eta hirugarren Andoni Urteaga. Mendiko saria Aitor Agirrek eraman zuen; tarteko helmugan saria Arkaitz Hernandezek eta taldeka onena Oriako izan zen. □

■ CLUB DEPORTIVO HERNANI



Juan Bautista Biurrarena eta Ricardo Ramos, joan den urteko Asanblean.

CD Hernanik urteko Asanblea asteazkenean

■ Bazkideen kuota igoera da Batzarreko gaietako bat ■ Batzarra 19:30etan da.

CD Hernanik urteko Batzarra egingo du datorren asteazkenean, Sandiusterrin. Hitz egin beharreko gaiak honakoak dira: kirol taldeen ekintzei buruzko memoria; 2002/03 den-

boraldiko balorazio ekonomiko; bazkideen kuota igoera; eta 2003/04 denboraldiko aurrekontua. Ondoren galdera eta eskariak egiteko aukera izango dute inguratzen diren

bazkideek. CDHk 500 bazkide inguru dauka eta denak daude Asanbleara deituta. Asanblea datorren asteazkenean da, 19:30etan Sandiusterrin aretoan. □

■ ERREMONTEA - CASINO KURSAAL

Ezkurra eta Eizagirre bihar buruz buru Galarretan

■ Ligilako bigarren partidua izango da, 17:00etan.

CASINO Kurasaaleko ligilako bigarren partidua jokatu da bihar arratsaldean Galarretan. Aurrez aurre, Koteto Ezkurra

txapelduna eta Jon Eizagirre, aurtan ere txapelketa latza egingo dena. Eizagirrek ligilako partidu bat irabazia du. □

■ FUTBOLA

Hernanik Realaren kontra jokatu du bihar Labaien Torneoko finala, Zubipen

■ Labaien Torneoa Jubenil mailako taldeek jokatzen dute eta 19:00etan da finala.

AURTEN 31garren Labaien Torneoa jokatu da eta Hernanik finala jokatu du bihar arratsaldean Realaren kontra. Labaien Torneoa jubeniletako 4 ekipok jokatzen dute. Aurten Reala, Añorga eta Lehengokoak izan dira Hernanirekin batera. Joan den astean izan ziren kanporaketa partiduak.

Hernani finalean sartu zen Lehengokoak 3-1 mendean hartuta. Realak, berriz, 4-1 irabazi zuen Añorgaren kontra.

Bihar arratsaldean, aurrena Añorgak eta Lehengokoak jokatu dute 3-4garren postua erabakitze partiduak, 17:00etan. Eta, 19:00etan finala: Hernani-Reala. □

■ XAKEA

Xake Elkartek bilera du gaur denboraldia prestatzeko

■ Elkartek gazteei deialdi berezia egin die bilerara joateko ■ Bilera Aristizabal kalea 5ean da, 20:00etan.

XAKE Elkartek bilera deitu du gaur arratsalderako denboraldi berrirako dituen asmoak azaldu eta martxan jartzeko. Aurtengo helburu nagusia da xakea gazteetara zabaltzea, eta era berean Gipuzkoako

Ligan bi talde ateratzea. Horretaz gain, badira xake ikastaroak, xakea Eskola Kirolean sartzeko asmoa eta abar. Helburu horiek aurrera eramateko egingo dute gaur arratsaldean bilera. □

Herri barruko autobusa gaur jarriko da martxan berriz

■ Oporretako etenaldiaren ondoren, autobus zerbitzua gaur jarriko da berriz martxan.

IRAGARKI MERKEAK

Hernanin ogi banatzailea behar da. ☎: 609 543900 (19:00etatik 20:00etara).

Pertsona bat behar da etxeko lanak egin eta umeak zaintzeko, 10:00etatik 13:30etara. ☎: 667 019274.

Gela bat alokatzen da, bulegoko lanak, klase partikularrak edota masajeak emateko. Zentroan. Interesatuak deitu: ☎: 943 55 29 47 - 943 55 46 97

ZERBITZUAK

☎ TELEFONOAK

► Taxiak:
943 550093
► Udaltzaingoa:
943 333288
► DYA:
943 464622
► Anbulatorioa:
943 006666
► Jokalari anonimoak:
943 331103

✚ FARMAZIAK

ASTELEHENA

► Egunez: Chucla
Kardaberaz 48
☎ 943 551793

► Gaeuz: Iturralde
Usurbil. Poligono 13, 9
☎ 943 363395

ASTEARTEA

► Egunez: Correa
Perkaiztegi 8
☎ 943 551933

► Gaeuz: Oa
Usurbil. Poligono 1, 1
☎ 943 376076